

Piero Vis'ciada



Foglio de curiosità e notizie della comunità paesana. Stampado in proprio e distribuido a caso. Chi che vol scrivi (a gratis) e i altri, se ghe par, che i legi pur (a sbafo).

FIOI e COLOMBI

Comunità di IEMONTE distria Associazione Comunità Istriane 34123 Trieste Via Belpoggio 29\1 - Italia biloslavof@yahoo.it tel. 040271637

...sporca la casa, e... anche la cesa...!

PENSE' CHE I VOLEVA PERFIN DARME EL SFRATO!

MA, ME GO FATO SENTIR! ...CHE NOVA! GO DITO: MI LA DENTRO SON NATO!

CUSI' DESSO UN BEL CESSO MI E' STATO INSTALATO...

PECATO CHE'L SIA QUASI SEMPRE"OCUPATO" !! El proverbio xe noto, ma xe anche noto che oramai i fioi xe bravi e più de tanto no i sporca, ansi noi savemo per esempio che la nostra Benedeta la xe una fia sai brava oltre che sai cocola.

La gavemo fotografada in montisel intenta a "leger" el nostro giornal e cussì la ga l'onor dela prma pagina. Un bel modo per festegiar insieme, noi e ela, un anno de vita.

Un anno, quel del PieroVisc'iada, che xe sta ripercorso nel ocasion dela festa patronale, con la partecipazion a sorpresa dei nostri corispondenti ...speciali da Piemonte d'Istria i quali oltre a contarne qualche indiscrezion sul vilagio de S.Giorgio ne ga portado anche la lamentela del "volatile" del duomo piemontese.

Nato in duomo e da tempo ivi residente, el se sta ragiunto dala ingiunzion de sfrato a causa del disagio che el procurava lordando coi sui bisogni banchi, baldachini e statue.

Ma el penuto ga alzà la vose! E si, povareto, che colpa ga lù se in tuta Piemonte no ghe xe un bagno publico!

Cussì par che sia sta ragiunto un compromeso... el poderà continuar a ciapar la calda in cesa ma el gaverà obligo de fraquentar el "servizio" prontamente messo a disposizion in centro del paese. Do picioni con una fava, insoma... basta che no sia 'na fava... de fuca!

(PieroVis')







-29 aprile '06-



El presidente Rovis ricevi la litografia che la Arcida Miani ga fato riprodur, nela ricorenza del suo 85° compleanno, da una stampa che combinazion iera propio datada 1920 - anno della sua nascita.

Ormai sta festa de S.Francesco xe diventada quasi un esame. Ogni anno una prova de superar e ogni anno però xe la sodisfazion de sentir i comenti stupidi e i complimenti: "Ara quanta gente!" "Oh ma che bel che gavè fato!" - Ne scuserè forsi la scarsa modestia ma in efeti, sicome ogni anno par imposibile... e par che no sarà nisun alora ne piasi constatar inveze come San Francesco ne da sempre la forza e la voia per incontrarse, per ricordar (ma senza pianzerse tropo adoso) e per pasar un per de ore in alegra compagnia.

Ma, se una festa la vien ben xe per merito de tuti, del comitato, dei paesani e amici che organiza, che partecipa e proponi anche iniziative emozionanti come quela del omagio del quadro de Piemonte che la Arcida Miani, acompagnada da Giulio ga voludo donar al asociazion.

Altre emozioni ancora quando in sala ga fato la sua prima comparsa el picio Emanuele. Tra lui e Arcida xe qualche aneto de diferenza, qualche generazion de mezo, ma proprio in questo sta la sensazion che sia sta giusto fadigar anche sto anno, per farli incontrar.

Che po no xe mai fadiga quando ala fine se pol leger la comozion anche nei oci de un che no xe piemontese per niente ma che da tempo el ne xe vicin nel nome del santo Francesco che, come lui, vien dala Calabria. Comozion -la sua- per aver vinto, e ne par con merito, el "Copo de Piemonte".

Complimenti sior Filippo! E desso sotto con le celebrazioni del cinquecentenario del 2007!

Chi se lo sogna e chi inveze lo ga vinto: V° TROFEO DE PIEMONTE



L'amico Filippo Francesco -col "Coppo" pena vinto- xe el nostro filo d'union con la cità de Paola e el santuario del santo calabro. Opuscoli, libri, filmati e informazioni xe el material che 'l ga sempre avù piazer de meter a nostra disposizion. Podeva il V° Trofeo finir in man migliori !?

PIEMONTE d'ISTRIA

Straordinari ospiti: I nostri corispondenti da:


PIEMONTE d'Istria



Sul bancheto, cola bandiera del nostro paese, el quadro dela Arcida e subito drio un drapo su un toco de muro a nasconder (ancora per poco)

la vera identità dei due corrispondenti da Piemonte d'Istria del PieroVis'ciada.

A Trieste, diretamente dal muro del castel de Piemonte xe vignudi a trovarne.....



Gnagna ANA & Barba BETO



Attori, autori, interpreti, protagonisti, santi, draghi... Come sempre tra realtà e finzion



Su tuti giornai

Su tuti giornai se fa un gran bacan per quel che ghe toca al Nino Zupan

LaVose del Popolo ogni giorno riporta sta storia edilizia alquanto contorta

...vilagi...cantine... e apartamenti fin el Picolo articola le sue note dolenti.

S.Giorgio ve iera un vilagio crolado soltanto un ricordo del bel tempo pasado.

Cusì dito e fato el Nino Zupan comprà el ga le piere ..per inveciarse el teran.

.....(continua....)

I due mitici e millenari personaggi che da secoli oserva, scolta, registra e riporta ogni fatto ogni accadimento de quel che sucedi in paese e dintorni, rompendo un lungo silenzio, ga acetado l'invito dela redazion e i xe intervenudi ala festa a Trieste per contarne del mestier de "inviati speciali" del nostro giornal.

I ga dovù vignir zo dal muro dela porta meridionale del castel –per lori un oservatorio privilegiato- e con fadiga ragiunger i piemontesi a Trieste per contarghe alcune indiscrezioni sula vicenda, confusa e no ancora conclusa, del poco distante vilagio de S.Giorgio. Vicenda che vedi coinvolti alcuni aministratori, in primis el Zupan istrian, e che ogni giorno riempi le pagine de tuti i giornai, dal Picolo ala Vose del Popolo....

..e noi!? cossa...!? semo de meno!?

Cussì per star al paso coi altri anche noi volemo afrontar sta spinosa question edilizia e proprio grazie a barba Beto (Baco) e a gnagna Ana (Ariana) provemo a entrar nela vicenda de S.Giorgio.... santo paladin sempre in lota col drago del mal e del ingiustizia.

Xe ovio che noi, che se dovemo afidar a sti do improbabili giornalisti nostrani no podemo garantir coreteza e completeza del informazion.

Per capir con chi gavemo a che far basti dir che Baco se ga presentà no col famoso tirso in man ma con un mestolo de polenta e ela, Ariana, inveze dela clasica patera la gaveva un pignatin per la sbicia....

Portè pazienza alora e scusene se no tuto corisponderà esatamente......

(Brentapiena)

apr-mag 2005 Piero Vis'ciada nº 7

NONSOLO PERSUTO

Sala piena e gente in ansia fin la fine per saver chi che gavessi vinto el "COPO".

Ma intanto, tra un brindisi e l'altro col coro che scalpitava per cantar e con cui se scusemo per no averghe da forsi el giusto spazio (ma veramente tante iera le robe) se ga svolta la tradizionale asegnazion dei numerosi premi che ga culminà nel sortegio del persuto vinto sto anno dala simpatica Arcida Miani che, in qualche modo se pol dir, xe stada la vera protagonista de questa edizion 2006 dela fiera de S.Francesco.



El "Comitato" assegna el crudo alla fortunata vincitrice...

FESTA









...mentre anche sto ano i "soliti noti" come al ..solito no ga mancà de far man bassa lasandoghe ai altrila consolazion!







La "festa" al persuto dela FESTA

La vita del giornalista xe teribile e spesso el dover de cronaca ne obilga a esser presenti nei momenti e nele situazioni più dificili. Però no podevimo sotrarse al nostro dover, e cussì se gavemo butà anche noi in mezo ala festa che la Arcida ga organizà. Semo cussì in grado de asicurar i nostri letori che la qualità del crudo veramente iera bona ma non seconda a quela de un impecabile, preciso e "atento" servizio...

MANGIATE ...MANGIATE...
PERO' NON SCARSELATE!
MA STI QUA' DEL PIEROVIS'CIADA
XE VIGNUDI 7A COL NAILON...







SI, MA..INTANTO METI ZO STE MAN...! ALO ! CHE NO ME TOCHI CIAMAR TUA GIORGINA !

ECO! PUTELE MIE BELE! UN PIATINO CHE HO 'POSITAMENTE TAGLIATO PULITO FINO PER VOI!